

Forskrift om tildeling av langtidsopphald i sjukeheim eller tilsvarande bustad særskilt tilrettelagt for heildøgnsstenester m.m., Ålesund kommune, Møre og Romsdal

Dato	(sett inn)
Ikrafttredelse	xx.2020
Gjelder for	Ålesund kommune, Møre og Romsdal
Hjemmel	LOV-2011-06-24-30-§3-2a , LOV-1999-07-02-63-§2-1e
Kunngjort	(sett inn)
Korttittel	Forskrift om tildeling av langtidsopphald i sjukeheim, Ålesund

Heimel: Fastsett av Ålesund kommunestyre xx 2020 med heimel i lov 24. juni 2011 nr. 30 om kommunale helse- og omsorgstjenester m.m. (helse- og omsorgstjenesteloven) § 3-2a andre ledd og lov 2. juli 1999 nr. 63 om pasient- og brukerrettigheter (pasient- og brukerrettighetsloven) § 2-1e.

§ 1. *Føremål*

Forskrifta skal vise kva kriterie Ålesund kommune legg til grunn for vedtak om tildeling av langtidsopphald i sjukeheim eller tilsvarande bustad særskilt tilrettelagt for heildøgnsstenester, og kva som skal ligge til grunn for å sette søkjar på venteliste for tildeling av slikt tilbod.

Forskrifta skal sikre medverknad, og at pasient/brukar er informert om tildelingsprosessen og gi åpenheit kring denne. Slik pasient-/brukarmedverknad skal dokumenterast skriftleg.

§ 2. *Verkeområde*

Retten til langtidsopphald i sjukeheim eller tilsvarande bustader særskilt tilrettelagt for heildøgnsstenester eller retten til å stå på venteliste til eit slikt tilbod, er regulert i pasient- og brukerrettslova § 2-1e.

Ålesund kommune disponerer til ei kvar tid eit visst tal langtids plassar i sjukeheim og tilsvarande bustader særskilt tilrettelagt for heildøgnsstenester.

§ 3. *Definisjonar*

- *Sjukeheim* er helseinstitusjon slik dette er definert i helse- og omsorgstjenesteloven § 3-2 første ledd
- Med *langtidsopphald* meinast opphald i sjukeheim på ubestemt tid.
- *Tilsvarande bustad særskilt tilrettelagt for heildøgnsstenester*, er bustad som har knytt til seg helse- og omsorgspersonell som fast er tilgjengeleg for pasienten/brukaren heile døgnet, og der medisinsk kompetanse og driftsopplegg er likeverdige med tilbodet i langtids plass i sjukeheim.
- *Venteliste* er ei oversikt over pasientar/brukarar som etter ei helse- og omsorgsfagleg vurdering vil vere best tent med langtidsopphald i sjukeheim eller tilsvarande bustad særskilt tilrettelagt for heildøgnsstenester, og det samstundes er vurdert at vedkomande med forsvarleg hjelp kan bu heime i påvente av ledig plass for langtidsopphald.

§ 4. Rett til langtidsopphald i sjukeheim eller tilsvarende bustad særskilt tilrettelagt for heildøgnsstenester

- a) Pasient/brukar har rett til opphald i sjukeheim eller tilsvarende bustad særskilt tilrettelagt for heildøgnsstenester dersom dette etter ei helse- og omsorgsfagleg vurdering er det einaste tilbodet som kan sikre pasienten/brukaren naudsynte og forsvarlege helse- og omsorgstenester.
- b) Når kommunen ikkje har ledig langtids plass skal pasient/brukar som ut frå ei helse- og omsorgsfagleg vurdering vil vere best tent med eit langtidsopphald i sjukeheim eller tilsvarende bustad tilrettelagt for heildøgnsstenester settast på venteliste dersom pasienten kan få forsvarlege helse- og omsorgstenester i heimen i ventetida. Kommunen skal gjere vedtak om langtids plass, om at pasienten skal stå på venteliste, og om kva for tenester pasienten skal få i den tida han/ho står på venteliste. Kommunen har eit særleg ansvar for å følgje opp pasientar på venteliste.
- c) Når fleire pasientar/brukarar står på venteliste samstundes, skal kommunen til ei kvar tid vurdere kven som har det største behovet for å få tildelt langtids plass eller tilsvarende bustad særskilt tilrettelagt for heildøgnsstenester. Pasient/brukar skal informerast om kommunen si vurdering av kor lenge det er sannsynleg ein må stå på venteliste.
- d) Når søknad er grunngeve i ønske om å bu saman med ektefelle/sambuar som er tildelt langtids plass i sjukeheim, og søker sjølv ikkje fyller kriteria for tildeling av plass, skal det søkast om korttids plass. Det skal leggast til rette for tildeling av dobbeltrom eller ekstraseng i rommet til ektefelle/sambuar på langtids plass og tildelast korttids plass for den tida den andre ektefellen er på langtids plass.
- e) Pasient/bruker skal tildelast plass i nærleik av heimstad/kommunedel når det er mogleg og tilpassa den faglege kompetansen som bruker/pasient har behov for. I tilfelle der pasienten/bruker ønsker seg ein annan stad enn heimstad, skal bruker og pårørande bli høyrd.

§ 5. Kriterie for tildeling av langtidsopphald i sjukeheim eller tilsvarende bustad særskilt lagt til rette for heildøgnsstenester

Søknader om langtidsopphald i sjukeheim eller tilsvarende bustad særskilt tilrettelagt for heildøgnsstenester skal vurderast ut frå LEON (lavaste effektive omsorgsnivå)- og BEON (beste effektive omsorgsnivå)- prinsippa, og det skal gjerast ei heilskapeleg vurdering.

I det faglege skjønnet skal kommunen m.a. vurdere hjelpebehov, meistringsnivå og tryggleik.

I vurderingane før tildeling av tenesta skal desse tilhøva leggast vekt på:

- Kva type helse- og omsorgsteneste det er behov for og kor omfattande og varig behovet vil vere.
- Om pasienten eller brukaren har høve eller evne til å tilkalle hjelp ved behov.
- Om ein med hjelpemiddel eller ulike tilretteleggingar kan gjere tilpassingar som fremjar eigenmeistring i eigen heim.
- Om alternativ til langtidsopphald i sjukeheim eller tilsvarende bustad særskilt lagt til rette for heildøgnsstenester er vurdert å ikkje vere tenleg eller forsvarleg.
- Om pasienten/brukaren er samtykkekompetent og har kognitive evner som ikkje medfører alvorleg risiko for liv og helse.
- Kva konsekvensar eit avslag på heildøgnsstilbod i sjukeheim eller bustad kan gje.

§ 6. Sakshandsaming

Vedtak etter forskrifta her skal handsamast etter pasient- og brukerrrettighetsloven § 2-7, samt forvaltningsloven sine reglar om enkeltvedtak med klagerett. Vedtak kan anten

- a) gi avslag på plass

- b) tildele plass
- c) tildele plass men sette på venteliste og fatte vedtak om forsvarlege tenester i heimen i ventetida

For vedtak etter pkt. c), skal det i vedtaket gjerast klart kva tilbod pasient/brukar vil få som vert vurdert å stette lova sine krav til forsvarlege tenester i ventetida.

§ 7. Klage

Det er klagerett på vedtak etter denne forskrifta. Klageinstans er Fylkesmannen. Klage sendast til Ålesund kommune ved Tildelingskontoret seinast innan 4 veker etter at ein er gjort kjend med vedtaket, jf. pasient- og brukerrettighetsloven Kap. 7 klage.

§ 8. Iverksetting og revidering av forskrifta

Forskrifta tek til å gjelde den xx 2020.